

ՀԵԹՈՒՄ Բ ԹԱԳԱՎՈՐԻՆ ԳՐԻԳՈՐ Է ԱՆԱՎԱՐՁԵՑԻ ԿԱԹՈՂԻԿՈՍԻ
ՀՂԱՄ ՆԱՄԱԿԻ ԺԱՄԱՆԱԿԻ ՀԱՐՑԸ

Գ. Ս. ՀԱՐՈՒԹՅՈՒՆՅԱՆ

XIII դարի վերջին Կիլիկիայում հրապարակ հանվեց օրագրային մի փաստաթուղթ, որը նախատեսում էր քրիստոնեական եկեղեցիների միավորման ճանապարհով լուծել երկրի համար կենսական անհրաժեշտություն դարձած մի խնդիր. դա Արևմտյան Եվրոպայից ակնկալվող ռազմաքաղաքական այն օգնությունն էր, որը շրջապատող մահմեդական երկրների հետ մղվող պայքարում պետք է օժանդակեր Կիլիկյան Հայաստանի հետագա զոյատեմանը։ Այս ծրագիրը (կտակ), որը շարադրված է նամակի ձևով՝ հղված Հեթում Բ թագավորին (1289—1306)², հեղինակել է Կիլիկիայում լատինասերների խմբավորման պարագլուխներից մեկը՝ Գրիգոր է Անավարդեցի կաթողիկոսը (1293—1306(07))։

Դեռևս XIX դ. վերջերին Ա. Տեր-Միքելյանն առաջ քաշեց այն կարծիքը, որ նամակի հեղինակը Գր. Անավարդեցին չէ³, սակայն այս դրույթը լայն քաղաքացիություն չստացավ, որովհետև հեղինակը հիմնավոր կոմաններ չէ բերում ապացուցելու իր եզրահանգումը, և նամակի հեղինակային իրավունքի որոշման այն բոլոր փաստարկները, որոնց վրա հենվում է Ա. Տեր-Միքելյանը, անընդունելի են⁴։

Հայագիտության մեջ որպես նամակը շարադրելու տարեթվեր ընդունվում են 1303 թ.⁵, 1306 թ.⁶, 1307 թ.⁷։ Լ. Խաչիկյանը, ընդհանրացնելով պատմագիտության մեջ ամենից լայն տարածում ստացած տեսակետներից երկուսը, հետևյալ կարծիքն է հայտնել. «Մ. Չամչյանի կարծիքով այս գրությունը շարադրված պետք է լինի 1294 թվականին։ Ըստ այդմ այստեղ Առաքելոյ եպիսկոպոս կոչված տեր Հովհաննեսը՝ նույնանայու է Տիրացու եպիսկոպոսի հետ»

1 Մաշտոցի անվան Մատենադարան (այսուհետև՝ ՄՄ), ձև. № 2037, ք. 136ա, Կ Ղ է-մ է ն Գ ա լ ա ն ո ս, Միաբանության հայոց սուրբ եկեղեցուն ընդ մեծի սուրբ եկեղեցուն Հռոմ-մայ, Clemente Gelano, Conciliationis ecclesiae Armenae cym Raxana, pars prima: Romae. 1650, p. 435 (այսուհետև՝ Կ Կ. Գ ա լ ա ն ո ս)։

2 Հեթում Բ թագավորը գահակալել է որոշ ընդմիջումներով։ Այստեղ տվել ենք նրա պաշտոնական գահակալության և հրաժարականի տարեթվերը։

3 Ա. Տեր-Միքելյան, Եկեղեցական աղմուկները ժ. դարի սկզբում (Արարատ, Վաղարշապատ, 1893, էջ 515)։

4 Նույն տեղում, էջ 511—522։ (Որպես նամակը շարադրելու տարեթիվ հեղինակն ընդունում է 1308 թ.)։

5 Մ. Օրմանեան, Ազգապատում, հ. Բ, մասն Ա (Բ տպագրություն). Պէյրուք, 1960, էջ 4775, Տիրայր վարդապետ Անապատական, Համառոտ պատմություն հայ-լատինական յարաբերությանց, սկիզբէն մինչև 1382, Անթիլիաս-Լիբանան, 1973, էջ 167 (այսուհետև՝ Անապատական)։

6 Մ. Չամչյանց, Պատմություն Հայոց, հ. Գ, Վենետիկ, 1786, էջ 308—309, Ղ. Ա լ ի շ ա ն, Սիսուան, Վենետիկ, 1885, էջ 557, Հ. Ա ն ա ս յ ա ն, Հայկական մատենագիտություն, Ե-ժ Գ զ, հ. Բ, Երևան, 1976, էջ 889։

7 J. D. Mansi. Sacrorum conciliorum nova et amplissima collectio, vol. 25, Graz-Austria, 1961, p. 139. Գր. Գ ա լ է մ ք ե ա ռ ե ա ն, Թուզթ. Յովհ. Ա., Կաթողիկե-այց, գլ. Ե, № 7, 8, առ Հայս (Հանդէս ամսօրեայ, 1906 (VIII), էջ 229)։

1294 թվականը, սակայն, անհավանական է, քանի որ թղթի գրության ժամանակ Սյունաց եպիսկոպոս է հիշվում Հովհաննես Օրբելը՝ 1303 թ. վախճանված Ստեփանոս Օրբելյանի հաջորդը։ Ուստի ճիշտ պետք է համարել Մ. Օրբելյանին, որ նամակի շարադրման ժամանակը հարմար է գտնում «գոնև մինչև 1304 թ. հետաձգել»⁸։

Կղ. Կալանոսը, որի ձեռքի տակ, հավանաբար, եղել է մի աղբյուր, որն առայժմ անհայտ է, նախքան նամակի բովանդակության շարադրանքը, ներկայացնում է հետևյալ տեղեկությունը. «Սմա (իմա Գր. Անավարզեցուն) անձնեալ էր թղթով Բոնիֆացիոս ութերորդ պապն, զի ամենայն զգուշութեամբ և ջանիւ հոգասցէ ածել զեկեղեցի և զժողովուրդն հայոց ի միաբանութիւն կաթողիկէ և առաքելական սուրբ եկեղեցոյն Հռովմայ։ Եւ կաթողիկոսն Գրիգոր ոչ անփոյթ արար զհրամանն զայն, քանզի մնալով ի ժամտնակին այնմիկ արձակեալք ի խռովութեանց պատերազմի երկոքին արքայքն Հայոց. այս Հեթում և Լևոն. որդին իւր, որում հայրն անձնեալ էր զառաջնորդութիւն թագաւորութեան, որպէս զի ինքն կարասցէ անհոգա աղօթել, և անխռով հետեիլ կրօնաւորութեան իւրում, ուստի զայս տեսանելով կաթողիկոսն Գրիգոր համաբեաց գոլ զիպով ժամանակ վասն կատարելոյ զցանկացեալ միաբանութիւն, զոր խնդրեալ էր պապն։ Եւ զմտաւ ածելով, եթէ թագաւորահայրն Հեթում, որպէս այր կրօնաւոր և աստուածասէր, յօժարամիտ լինէր առ ի սիրումն նոյն միաբանութեան, քան զԼևոնն, վասն այսորիկ գրեաց առ ինքն Հեթում մի թուղթ»⁹։ Այժմ վերոբերյալ տեքստից փորձենք պարզաբանել մեզ հետաքրքրող հետևյալ հարցերը։

Ա. Երբ է Բոնիֆացիոս Ը պապը (1294—1303) այդպիսի բովանդակության մը նամակ առաքել Կիլիկիա՝ Գր. Անավարզեցի կաթողիկոսին։ Բ. Գահակալական կոիվներին որ շրջանի մասին է խոսքը. Սմբատի և Հեթումի, թե՞ Կոստանդինի ու Հեթումի։ Գ. Ինչպիսի՞ ավարտ ունեցան գահակալական կոիվները, երբ Հեթումն անցավ իշխանության գլուխ և իրեն գահակից ընտրեց Լևոնին։ Դ. Երբ է Գր. Անավարզեցի կաթողիկոսը շարադրել վերոհիշյալ նամակը (Բոնիֆացիոս Ը պապի նամակը Կիլիկիա է առաքվել 1298 թ. հոկտեմբերի 26-ին)¹⁰։

Քննվող ժամանակաշրջանում Կիլիկյան Հայաստանում գահակալական արյունահեղ պայքար ծավալվեց Հեթում թագավորի ու նրա երկու եղբայրների՝ Սմբատի և Կոստանդինի միջև։ Սարգիս Պիծակ Սսեցուն (XIV դ.) վերագրվող ժամանակագրության մեջ կարդում ենք. «1296 (256) Հեթումն զՍմբատն եղիր յաթոռն և ինքն էառ զպարոն Թորոս և զնաց ի թագաւորութիւնն (իմա՝ Բյուզանդիա)»¹¹։

Հեթում Բ-ն և Թորոսը Կոստանդնուպոլիս են մեկնել 1296 թ. վերջին, իրենց քրոջ՝ Մարիամի հրավերով¹²։ Ներսես Պալիանենցի ժամանակագրական

⁸ Լ. Խաչիկյան, Արտազի հայկական իշխանությունը և Մործորի դպրոցը (Բանբեր մատենադարանի, № 11, Երևան, 1973, էջ 138—139)։

⁹ Կղ. Կալանոս, էջ 434—435։

¹⁰ V. Langlois, Essai historique et critique sur la constitution sociale et politique de L'Arménie. St. Petersburg. 1860, p. 30. Pot hasi II, 1974, ep. 2474, 26, oct. 1293, Լ. Կոզեան, Հայոց եկեղեցին մինչև Փյոնենտիան ժողովը, Բեյրութ, 1961, էջ 743։

¹¹ Մանր ժամանակագրություններ, 13—18-րդ դդ., հ. I, կազմեց՝ Վ. Հակոբյան, Երևան, 1951, էջ 106, Նկարագիր Օջին թագաւորի ձեռագիր ժամագրին 1319, Նկարագրեց՝ Արտ. արք. Սիւրմէեան, Անթիլիաս-Լիրանյան, 1933, էջ 101։

¹² Մարիամն ամուսնացել էր բյուզանդական կայսր Անդրոնիկոս Բ-ի (1282—1328) որդու՝ Միքայել Թ Պալեոլոգի (1295—1320) հետ, նրանց ամուսնական հանդեսը տեղի էր ունեցել 1296 թ. հունվարի 16-ին։ Տե՛ս Մանր ժամանակագրություններ, 13—18-րդ դդ., հ. II, կազմեց՝ Վ. Հակոբյան, Երևան, 1956, էջ 182, Г. Г. Микаелян, История Киликийского армянского государства, Ереван, 1952, с. 428, 459։

հատվածներում (XIV դ.) մեզ հետաքրքրող հարցի վերաբերյալ պահպանվել է հետևյալ տեղեկությունը. «Եւ Հէթում կոռնաւորն և Թորոսն տալին դթագաւորութիւնն յեղբայրն իւրեանց Սմայատն և ինքեանք գնացին ի Կոստանդնուպօլիս: Իսկ Սիւրաու՛ առնու թագ և օրհնութիւն և թագաւորեաց ամս Գ (3): Եւ կացեալք նոքա ի դուրս՝ իբր թէ ամի մի դարձան և կամէին թաթարօ՞վ ձգել զՍումբատն և առնուլ զպարոնութիւնն և նայ նախմա եղեալ, կալաւ զնոսա և եգ ի բանգի: Եւ գրգութեամբ շար իշխանաց հրամայաց սպանանել զԲ(2) եղբայրն իւր: Այլ որ գնաց սպանանել զՀէթումն, զի ոչ էին ի մի տեղի, ոչ եսպան, գնալ, իսկ որ գնաց սպանանել զՀէթումն, զի ոչ էին ի մի տեղի, ոչ եսպան, այլ կորացույց զաշան: Իբր այս լինէր, չորրորդ եղբայրն Կոստանդինն յարեալ ի վերայ և եկեալ ի Սիսոյ քաղաքն զօրօք. մերձ քաղաքին կոռնեցան հայերն ընդ իրարս ի մարգն Սիսոյ, ուր բազումք եղբարք զեղբարք սպանին և ռզգականք զմիմեանս, վասն անճանաչութեանն, զի առաւօտ էր: Եւ այսպէս Կոստանդինն առեալ զպարոնութիւնն Հայոց կալեալ զՍմբատն և գտեալ զՀէթումն կենդանի ողջացուց զմի ական և ինքն թագաւորեաց ամիսս Թ(9)»¹²:

Հայագիտության մեջ որպէս թագավոր Սմբատի օծվելու ժամանակ ընդունվում է 1296 թ. հունվարի 6-ը¹⁴, Ամսաթիվը հայտնի է, քանի որ Վաթիկ գրիչը Սմբատի օծումը դնում է Աստվածաշայտնության տոնին¹⁵, իսկ Հայոց եկեղեցին այն տոնում է հունվարի 6-ին¹⁶: Սակայն Սմբատը թագավոր է օծվել ոչ թե 1296 թ. հունվարի 6-ին, այլ 1297 թ. հունվարի 6-ին¹⁷, ժամանակի իրադարձություններն արձանագրող գրիչը գահակալական կոնվենտի մասին թողել է մանրամասն տեղեկություններ. «Եւ գրեցաւ սա ի յաշխարհիս Կիլիկեացոց, զԱռիստակեսն գրեցի ի լեառն Տորոսի, յԱնապատին որ կոչի Արմէնիս¹⁸, ընդ հովհաննաւ սուրբ Աստուածածին և սուրբ Նշանին, առ ոտս սուրբ և երջանիկ վարդապետին Գէորգեա, յաւրինակէ նորին, ի թուին, ԶԽԶ, ի շար ժամանակի, յորժամ Սմբատն թագաւորեաց, և ըմբռնեց զանդրանիկ եզրարսն իւր, զՀէթում, յորմէ զպարոնութիւնն ընկալ, և եգ ի բանտի ի մոլոփնն, և զԹորոսն ի Թարձրաբերդ: Եւ յետ է ամսոյ զՀէթումն աշուին եհան, ու զԹորոսն խեղդամահ արարեալ սպան: Ապա միւս եղբայրն Կոստանդին զաւրածողով արարեալ գնաց ի վերայ Սմբատայ, և փախուցեալ զնա յաշխարհն Հոռոմոց: Վասն որոյ ըմպոնեալ զնա գլխաւորաւ աշխարհին բերին առ նա, և նա եգ զնա յարգելանս ի դղեակն իւր կոչեցեալն Կապան, և յետոյ փոխեցին յայլ տեղի: Կալեալ զպարոնութիւնն և հանեալ զաւագ եղբայրն իւր ի բանտէ կապանացն, և աղաչեալ առնուլ զպարոնութիւնն իւր, և նա ոչ առ յանձն: Եւ կացեալ Կոստանդին ի պարոնութեանն ամիսս Ժ, և ապա դար-

12 Մանր ժամանակագրություններ, հ. II, էջ 183: Ներսէս Պալիանենցն իր «Հայոց թագավորների և իշխանների կարգը» աշխատության մեջ (Մամ, ձեռ. № 2037, Թ. 133ա) մեզ հետաքրքրող գահակալների ներկայացնում է այսպես. «Պարոն Հէթում... ամս Ը (8): Մմբատն, եղբայր սորայ ամս Բ (2): Կոստանդին, եղբայր Սմբատին, ամս. Ա(1): Պարոն Հէթում, որ վերոյ դարձեալ ամս Բ(2)»:

14 Մ. Չամչեանց, նշվ. աշխ., հ. Գ, էջ 296, Անապատական, էջ 161 և այլն:

15 Հայերեն ձեռագրերի հիշատակարաններ, ԺԳ դ., կաղմեց՝ Ա. Ս. Մաթեոսյան, Երևան, 1984, էջ 789 (այսուհետև՝ Հիշատակարաններ, ԺԳ դ.):

16 Մ. Մսերեանց, Պատմական տեղեկությունք ի վերայ տոնի Աստուածայայտնութեան՝ այն է Մենդեան և Մկրտութեան Քրիստոսի (Ճոռքաղ, հ. Բ, տետրակ ԺԱ, Մոսկվա, 1860, էջ 173):

17 Մար ցուցակ ձեռագրաց սրբոց Յակոբեանց, հ. 2-րդ, կաղմեց՝ Նորայր եպս. Պարեան, Երուսաղէմ, 1967, էջ 258, 497, 504:

18 Հ. Ոսկեան, Կիլիկիայի վանքերը, Վիեննա, 1957, էջ 110—111, Հ. Տեր-Ղառաքեան, Կիլիկիան վանքերը (Բաղմավէպ, 1952, էջ 88):

ձեռք չեմ տրուում, ինչպես որ ասում է Սիրս, եւ անտի ի թարգմարեղ, Եւ ամիս...»¹⁹:

Կարծում ենք, ավելորդ չէ մեղքերի հարցի հետ առնչակից մի տեղեկություն ես. «1297 (ՉԽԶ) յուլիս Իդ (23) սպանեց Սմբատն զիւր աղբայրն զպարոն Թորոս...»²⁰:

Պատմագիտության մեջ լայն քաղաքացիություն է ստացել այն տեսակետը, որ Հեթումն այս անգամ գահակալել է 1299 թ.²¹, սակայն աղբյուրների վկայություններից պարզվում է, որ նա գահին տիրացել է ոչ թե 1299 թ., այլ՝ 1298 թ.²²: Հավանաբար Կոստանդինի վարած արտաքին և ներքին քաղաքականությունից դժգոհ տարրերը խմբավորվում են Հեթումի շուրջ, և 1298 թ. կեսերին նրան կրկին հռչակում թագավոր²³:

Մնում է պարզել նաև Թորոսի որդու՝ Լևոնի, գահակալության հարցը, որի շուրջ նույնպես տարբեր տեսակետներ կան: Հայագիտության մեջ Լևոն Դ-ի գահակալությունը, սովորաբար, ընդունվում է 1301 թ.²⁴, 1305 թ.²⁵, 1306 թ.²⁶: Վ. Հակոբյանն ընդունում է, որ Լևոն Դ-ն թագավոր է հռչակվել 1301 թ., երբ երեք տարեկան էր, որի հիմնավորման համար որպես փաստարկ ներկայացնում է հետևյալ տեղեկությունը. «Մի այլ ժամանակակից 1301 թվին ընդօրինակած ձեռագրի հիշատակարանում գրում է. «...դարձեալ եկն տէր Աբրահամ ի մայրաքաղաքն ի Սիրս, որ եղև աշխարհաժողով յամենայն յախուռն, թագաւորն Հայոց Հեթում, զպարոն Թորոսի զիւր եղբարորդին, զանբիծ պատանի զԼևոն թագիւ պսակեաց և յամսեանն յունիս յերեսունն, յաւար յինգշաբթի»:

Եթե հաստատ է հունիսի 30-ը, ապա օրը կլինի ուրբաթ, հինգշաբթին՝ կլինի 1301 թվի հունիսի 29-ին»²⁷: Մեղքերենք այս հիշատակարանն ամբողջ-

¹⁹ Մայր ցուցակ ձեռագրաց սրբոց Յակոբեանց, հ. 4-րդ, կազմեց՝ Նորայր եպս. Պողարեան, Երևան, 1969, էջ 536:

²⁰ Մանր ժամանակագրություններ, հ. I, էջ 106, Ա. Ա. Մաթևոսյան, Հեթում Ախուրի տիրոջ և Վասիլ Մարաշխտի ժամանակագրությունները (Պատմա-բանասիրական հանդես, 1963, № 4, էջ 192): Ղ. Ալիշան, Սիսուան, էջ 142, 556:

²¹ Մանր ժամանակագրություններ, հ. II, էջ 192, Rudi-Collenberg. G. W. H., The Rupenides Hethumides and Lusignans. Paris, 1963, p. 22; Հայ ժողովրդի պատմություն, հ. III, Երևան, 1976, էջ 764. Գ. Микаелян, նշվ. աշխ., էջ 430:

²² Մայր ցուցակ ձեռագրաց սրբոց Յակոբեանց, հ. 6-րդ, կազմեց՝ Նորայր եպս. Պողարեան, Երևան, 1972, էջ 18, Հիշատակարաններ, ԺԳ դ., էջ 822, 829, 831, Recueil des historiens des Croisades, Documents Arméniens, t. I, Paris, 1862, p. 464—465, հմտ. Սամուէլի քահանայի Անեցույ, Հաւաքմունք ի գրոց պատմագրաց, Վաղարշապատ, 1893, էջ 153—154: Սամվել Անեցու ժամանակագրության շարունակության մի տարբերակում (էջ 164) մեզ հետաքրքրող գահակալները ներկայացված են հետևյալ ժամանակագրական շրջանակներում, «ՌմՂԸ (ՉԽԶ) Սմբատ՝ ամս Բ (2), ՌՅԱ (ՉԽԷ) Կոստանդին կէս ամ. դարձեալ Հեթում»:

²³ Անանուն ժամանակագրություն, կազմեցին՝ Հովհ. Մանվելյան, Հար. Աբրահամյան, Երևան, 1940, էջ 29, Ղ. Ալիշան, Հայապատում, Վենետիկ, 1901, էջ 503, Արաբական աղբյուրները Հայաստանի և հարևան երկրների մասին, կազմեց՝ Հ. Նալբանդյան, Երևան, 1965, էջ 240, 242:

²⁴ Ղ. Ալիշան, Սիսուան, էջ 557, Մ. Օրմանեան, Ազգապատում, հ. Բ, մասն Ա., էջ 1763, Rudi-Collenberg, նշվ. աշխ., էջ 22, Ա. Մաթևոսյան, Հեթում Ախուրի ախուր և Վասիլ Մարաշխտի ժամանակագրությունները, էջ 199 (ժանոթագրություն № 16):

²⁵ Documents arméniens, t. I, p. LXII, Գ. Микаелян, նշվ. աշխ., էջ 435, Հայ ժողովրդի պատմություն, հ. III, էջ 766:

²⁶ Լ. Կոզեան, նշվ. աշխ., էջ 407:

²⁷ Մանր ժամանակագրություններ, հ. II, էջ 193—194 (ժանոթագրություն № 69):

ընթացումը. «Արդ գրեցաւ սա ի սուրբ եւ ի գերահռչակ ուխտս Դրազարկ ի թուականութեանս Հայոց ԶՄ(1301) ի թագաւորութեանս Հայոց բարեպաշտ եւ սուրբ արքային Հայոց Հեթումյ եւ ի հովապետութեան տէր Գրիգորոյ եւ յեպիսկոպոսութեան տէր Աբրահամու վանիցն Ղազարու, զոր խնդրեաց յիմս նուատութենէ եւ ես յաւժար կամաւք գրեցի եւ շնորհեցի զսա սուրբ ուխտին եւ յեթն հարիւր յիսուն եւ հինգ ամին դարձեալ եկն տէր Աբրահամ ի մայրաքաղաքն Սիս ուր եղեւ աշխարհաժողով ամենայն ազգաց յախտուն: Թագաւորն Հայոց Հեթում, զպարոն Թորոսի զիւր եղբարորդին, զանբիծ պատանին զԼեոն թաղիւ պսակեաց, եւ թագաւորեցոյց արքայապատիւ ճոխութեամբ, որ էր ամաց վեշտասան յամսեանն յունիս յերեսուն յաւուր հինգշաբթւոյն, զորս պահեսցէ տէր երկար ժամանակ»²⁸:

Ուրեմն 1299 թ. Հեթում Բ-ն, պահպանելով թագավորական գահը եւ ավագ պարոնի տիտղոսը, Լեոն Դ-ին նշանակում է իրեն գահակից²⁹: Նրանց համատեղ գահակալութիւնը հաճախ է հիշատակվում աղբյուրներում³⁰, իսկ 1306 թ. հունիսի 30-ին վերջինս պաշտոնապես օծվում է Կիլիկյան Հայաստանի թագավոր:

Այժմ քննենք մի տեղեկութիւն եւս, որը, մեր կարծիքով, հաստատում է այն իրողութիւնը, որ Գր. Անավարզեցու նամակը շարադրված պետք է լինի 1299 թ. «Եւ յառաջ՝ զայս ասեմք, զոր ի դէպ է, որ մեր հայերուն արեւելացւոց մեծերուն զիրքս գիտացուցել եմք եւ կեցուցել. առաջինն Օրբելին, որ է Սիւնեաց արհիեպիսկոպոս, որպէս հոգեւոր իշխան գոլով, նոյնպէս եւ մարմնաւոր. եւ իւր ընկերացն ցուցաք զգիրքսն եւ հաստատեցաք այս տարի. եւ յանցեալ տարին տէր Յոհաննեսի, Առաքելոց եպիսկոպոսին, եւ միւս այլ ամին Բջնեցուն եւ Վարազեցեաց: Զի այժմ, երբ ստոյգ զմտաւ կու ածեմ նայ Գ(3) ամ է, որ այդ առ իս ճշմարտապէս յիստակել է...»³¹:

Գր. Անավարզեցու նվիրակը՝ Կոստանդին Կեսարացի եպիսկոպոսը, Արեւելք է մեկնել 1297 թ.³² եւ տեսակցել Աղթամարի կաթողիկոս Զաքարիայի³³, Արարատյան նահանգի արքեպիսկոպոս Հովհաննեսի, Արտազի վիճակի եպիսկոպոս Հովհաննեսի (1298), ապա 1299 թ. Սյունյաց աթոռի ղեկավար Ստ. Օրբելյանի հետ: Արեւելքում գտնված ժամանակ Կոստանդին Կեսարացին տեսակցել է ժամանակի նշանավոր եկեղեցաքաղաքական գործիչների, այդ թվում Սսայի Նշեցու հետ³⁴, իսկ վերջինս որպէս «ամենայն արեւելքից վարդապետ եւ դասասաց» կաթողիկոսին առանձին պատասխան է հղել³⁵:

²⁸ Ցուցակ ձեռագրաց Մշոյ Ս. Առաքելոց-Թարգմանչաց վանքի եւ շրջակայից, կազմեցին՝ Ս. Ա. Մուրադեան, Ն. Պ. Մարտիրոսեան, խմբագրեց՝ Արայ Գալայճեան, Երուսաղէմ, 1967, էջ 14:

²⁹ Մամ, ձեռ. № 1900, էջ 102, Մայր ցուցակ ձեռագրաց սրբոց Յակոբեանց, հ. 4-րդ, էջ 536, Արաբական աղբյուրներ..., էջ 244:

³⁰ Ցուցակ հայերեն ձեռագրաց Մխիթարեան Մատենադարանին ի վիեննա, հ. Բ, կազմեց՝ Հ. Ոսկեան, վիեննա, 1963, էջ 712 (Բ): Մանր ժամանակագրութիւններ, հ. II, էջ 193—194: Հայերեն ձեռագրերի հիշատակարաններ, ԺԳ դ., կազմեց՝ Լ. Խաչիկյան, Երևան, 1950, էջ 19:

³¹ Մամ, ձեռ. № 2037, Բ. 137 աւ Հմմտ. Կզ. Գալանոս, էջ 441:

³² Արշ. Ալպոյաճեան, Պատմութիւն Հայ Կեսարիոյ, հ. Ա, Գահիրե, 1937, էջ 913—914, Անապատական, էջ 166—167:

³³ Չնայած Մ. Օրբելյանը (Ազգապատում, հ. Բ, մասն Ա, էջ 1747) հավանական է համարում, որ 1292—1300 թթ. Աղթամարում կարող էր կաթողիկոս լինել Եղիշե Աղբակեցին, ձեռն 1298 թ. գրված հիշատակարանը հավաստում է. «...ի հայրապետութեան տեան Զաքարիայի վերագիտողի» (Հիշատակարաններ, ԺԳ դ., էջ 835):

³⁴ Գր. Մարգարեան, Գրիգոր կթղ. Անավարզեցի, նամականի (Բազմավէպ, 1949, (V—VI), էջ 118), Մայր ցուցակ հայերեն ձեռագրաց Երուսաղէմի սրբոց Յակոբեանց վանքի, Կազմեց՝ Արտ. արք. Սիւրմեան, Վենետիկ, 1948, էջ 209:

³⁵ Կզ. Գալանոս, էջ 444:

Կաթողիկոսին պատասխան տալու համար Արևելյան Հայաստանի հոգևոր և աշխարհիկ ավատատերերի ժողովի և համախոսականի առաքման տարեթիվը հայագիտության մեջ տարբեր ժամանակներ է ընդունվում՝ 1294 թ.⁸⁸, 1295 թ.⁸⁷, 1295/6 թթ.⁸⁸, 1296 թ.⁸⁹, 1297 թ.⁴⁰, 1302 թ.⁴¹ և այլն: Այն, որ միաբանության «ձեռնարկը» կազմվել է մինչև 1300 թ., պարզ է դառնում այն հանգամանքից, որ նրա ստորագրողներից մեկը՝ Պապաքը, ենթադրվում է, մահացել է 1299 թ.⁴² Պապաքի անվան վերջին յիշատակությունը գրությունում ենք հոտակերաց Ս. Նշանի պահարանի արձանագրության մեջ, գրուած 1300 թ.⁴³ դրանից առաջ, գուցէ, 1298/9 թուին արդէն վախճանուած էր Պապաք, որովհետեւ Ստեփանոս Օրբելիան էաչին արդէն իբրեւ կողմնակալ է յիշում, իսկ նա իւր պատմութիւնը փակում է 1299 թուին⁴⁴:

Ստորագրող իշխաններից մյուսը՝ Ելիկում Օրբելյանը, մահացել է 1300 թ.⁴⁵ Մնում է ավելացնել, որ նամակում հիշատակված «Օրբելին» ոչ թե Հովհաննես Օրբելին (1303—1324) է՝ Ստ. Օրբելյանի հաջորդը⁴⁶, այլ հենց ինքը՝ Ստ. Օրբելյանը: Ծիշտ է, աղբյուրներում «Օրբել» անվանումը հաճախ է հանդիպում որպես Հովհաննեսի մականուն⁴⁷, սակայն «...որպես հոգևոր իշխան գտնով, նույնպես և մարմնաւոր»⁴⁸ տիտղոսներն ամենից առաջ դրանցված են Ստ. Օրբելյանի անվան դիմաց:

Այսքանից հետո, կարծում ենք, հիմնադրել չէ այն կարծիքը, որ «Օրբել» անվանումը, ամենայն հավանականությամբ, արտահայտում է կաթողիկոսի վերաբերմունքը Ստ. Օրբելյանի նկատմամբ, երբ նրան դիմում է ոչ թե անձնանունով, այլ տոհմանունով: Զպետք է մոռանալ այն հանգամանքը, որ խնդրո առարկա ժամանակաշրջանում մականունով կամ տոհմանունով դիմելը սովորական երևույթ էր, ընդամին կաթողիկոսը ենթատեքստում օգտագործել է տոհմանվան «Օրբել» (Օրբել-Օրբելը) նախադասական ձևը⁴⁹:

⁸⁸ Արեւ. արք. Մխիթարեանց, Պատմութիւն ժողովոց Հայաստանեայց եկեղեցւոյ հանդերձ կանոնադրութեամբք, Վաղարշապատ, 1874, էջ 128—131:

⁸⁷ Լ. Խաչերյան, Գլածորի համալսարանը հայ մանկավարժական մտքի զարգացման մեջ, Երևան, 1973, էջ 135, 209:

⁸⁸ Գարեգին կաթողիկոս Յովսէփեան, Խաղբակեանք կամ Պռոշեանք Հայոց պատմութեան մէջ, Անթիլիաս-Լիբանան, 1969, էջ 76:

⁸⁹ Աբր. Զամիհեան, Հայոց եկեղեցու պատմութիւն, Ա մասն, Ն. Նախիչևան, 1908, էջ 255:

⁴⁰ Լ. Հ. Բաբայան, Դրվագներ Հայաստանի զարգացած ֆեոդալիզմի դարաշրջանի պատմագրության (IX—XIII դարեր), Երևան, 1981, էջ 332—333:

⁴¹ Գր. Գրիգորյան, Սյունիքը Օրբելյանների օրոք (XIII—XV դդ.), Երևան, 1981, էջ 218:

⁴² Պապաքն որպես «...քաջ և զօրեղ իշխան» (Հիշատակարաններ, Ժգ դ., էջ 831), 1298 թ. գրված հիշատակարանում ներկայանում է Ելիկումի հետ, իսկ 1300 թ. ընդօրինակած «Ավետարանի» հիշատակարանում (նույն տեղում, էջ 859) նրա անունն արդեն բացակայում է Պռոշյան ավատատերերի անվանացանկից:

⁴³ Շողակաթ, դիրք առաջին, Վաղարշապատ, 1913, էջ 184—185: Դիվան հայ վիմագրության, պր. III, կազմեց՝ Ս. Գ. Բարխուդարյան, Երևան, 1967, էջ 208:

⁴⁴ Գարեգին կաթողիկոս Յովսէփեան, Խաղբակեանք..., էջ 76:

⁴⁵ Ս. արք. Զաւլեանց, Ժանապարհորդութիւն ի Մեծն Հայաստան, մասն Բ, Տփլիս, 1858, էջ 173: Հմմտ. «Ազգագրական հանդես», 1916, Թիֆլիս, 1917, էջ 58—59:

⁴⁶ Լ. Խաչերյան, Արտագի հայկական իշխանությունը և Սործորի դպրոցը, էջ 138:

⁴⁷ Հիշատակարաններ, Ժգ դ., էջ 857—859:

⁴⁸ Ստեփանոսի Սիմեոնի եպիսկոպոսի Պատմութիւն տանն Սիսականի ի լոյս ընծայեաց Մկրտիչ էմին, Մոսկվա, 1861, էջ 352—353:

⁴⁹ Նույն տեղում, էջ 272:

Ի մի բերելով վերը շարադրվածը կարող ենք հանգել հետևյալ եզրակացությունների. Ա. Բոնիֆացիոս Ը պապը 1298 թ. հոկտեմբերի 26-ի թվակիր նամակով Հայոց կաթողիկոս Գր. Անավարզեցուց պահանջում էր լուծել երկու եկեղեցիների միավորման խնդիրը՝ հռոմեական եկեղեցու գահերեցության ներքո, սակայն կաթողիկոսը փորձում էր իրագործել ընդհանրական եկեղեցու ստեղծման իր ծրագիրը⁵⁰, Բ. 1296—98 թթ. Կիլիկյան Հայաստանում խմորվում էին գահակալական արյունահեղ կռիվներ: 1296—1297 թթ. գահին տիրում է Սմբատը, ապա կարճ ժամանակամիջոցում այն անցնում է Կոստանգինի ձեռքը: 1298 թ. կեսերին Հեթում Բ-ն վերստին գրավում է գահը՝ իրեն գահակից ընտրելով Լևոնին, իսկ 1306 թ. հունիսի 30-ին վերջինս պաշտոնապես օծվում է թագավոր: Գ. Կաթողիկոսն իր նպատակադրումների մասին (ճիշտ է, ոչ բոլոր հարցերում) տեղյակ է պահում նաև Հայաստանի եկեղեցական խոշոր թեմերի առաջնորդներին: 1299 թ. Սյունիքում կազմվում է մի համախոսական, որի ստորագրողները Գր. Անավարզեցուց պահանջում էին հրաժարվել իր ծրագրից և անխախտ պահել հայ եկեղեցու հավատո հանգանակը: Դ. 1299 թ. Գր. Անավարզեցին նամակ է ուղարկում Հեթում Բ թագավորին: Այդ նամակին մեծ դեր էր վերապահված խաղալու, քանի որ այն դարձավ Կիլիկիայում լատինացիների կուսակցության ծրագիրը և նրա հիմքի վրա երկար ժամանակ խմբավորվում էին արևմտաեվրոպական կողմնորոշման ուժերը:

К ВОПРОСУ ДАТИРОВКИ ПИСЬМА КАТОЛИКОСА ГРИГОРИЯ VII АНАВАРЗЕЦИ, АДРЕСОВАННОГО ЦАРЮ ХЕТУМУ II

Г. С. АРУТЮНЯН

Резюме

В конце XIII в. в Киликии появилось письмо (завещание) католико-косо Григория Анаварзеци царю Хетуму II по решению проблемы ожидаемой военно-политической помощи из Западной Европы путем объединения армянской церкви с римско-католической.

Письмо, о датировке которого имеются различные мнения, следует датировать 1299 г. В связи с этим уточняются также некоторые другие детали, в том числе начало совместного правления Хетума II и Левона IV (1298 г.), официальная коронация Левона IV (30 июня 1306 г.) и дата всеобщего собора духовных и светских феодалов Восточной Армении (1299 г.).

⁵⁰ Պատմության նահանգին Սիոական, արարեալ Ստեփանոսի Օրբելեան արթեպիսկոպոսի Սիւնեաց, Թիֆլիս, 1910, էջ 448: